



## REFERAT FRÅ MØTE I PROSJEKTGRUPPA FOR NY KOMMUNEREFORM I SUNNHORDLAND

**Tid:** Onsdag 15 oktober kl. 09.30-11.30

**Stad:** Samarbeidsrådet sitt møterom

**Tilstades:**

Odd Harald Hovland	Bømlo kommune
Sigve Sørheim	Etne kommune
Harald Hovland	Fitjar kommune
Wenche Tislevoll	Fitjar kommune
Arve Opsanger	Kvinnherad kommune
Tore Atle Humlevik	Tysnes kommune
Odd Henry Dahle	Prosjektleiar
Reidun Rykkje	Samarbeidsrådet for Shl.

**Forfall:**

Liv Kari Eskeland, Stord kommune , Renate Klepsvik, Austevoll kommune, Inge Reidar Kallevåg, Bømlo kommune.

**Saker:**

- 01/14 Regjeringa sitt brev
- 02/14 Samarbeidsrådet si rolle
- 03/14 Prosjektorganisering
- 04/13 Kommunane sitt arbeid
- 05/14 Vidare prosess
- 06/14 Ymse

**01/14 Regjeringa sitt brev**

Prosjektleiar Odd Henry Dahle informerte kort om brevet frå kommunal og moderniseringsdepartementet, der kommunane vert invitert til å delta i prosessar med sikte på å vurdera og å avklara om det er aktuelt å slå seg saman med nabokommunar.

**02/14 og 03/14 Samarbeidsrådet sitt rolle og prosjektorganisering**

Det vart i møte drøfta organisering av prosessen. Bakgrunnen er at prosjektgruppa er samansett ulikt frå kommune til kommune. Nokre kommunar er representert med ordførar og ein valt representant. Andre har valt ein representant og møter ikkje med ordførar, medan andre møter med ordførar.

Prosjektgruppa drøfta dette og er samde om at det må vera opp til kvar kommune om dei ønskjer å møte med to representantar (ordførar og ein valt representant), men at kommunane vert oppmoda om å stille med to.

### **Styringsgruppe**

Dei fleste ordførarane er med i prosjektgruppa. Det vart difor drøfta behovet for å ha styringsgruppe (ordførarar og rådmenn). Ein vart samde om at Samarbeidsrådet vert orientert om arbeidet til prosjektgruppa i møta, men at det ikkje er behov for ei eiga styringsgruppe. Innspel som måtte koma frå møta i Samarbeidsrådet vert teke med til prosjektgruppa.

Når rapporten føreligg i september 2015, vil denne verta oversendt til Samarbeidsrådet som igjen oversender rapporten til handsaming i kommunane.

### **Kommunale grupper/referansegrupper**

Kommunane set saman dei kommunale gruppene/referansegruppa.

### **04/14      Kommunane sitt arbeid**

Prosjektgruppa vil i neste møte utarbeida eit forslag til korleis prosessane i kommunane bør gjennomførast. Prosjektgruppa meiner det er viktig at ein køyrer prosessane mest mogeleg likt i kommunane.

### **05/14      Vidare prosess**

Prosjektgruppa vil arbeida etter vegleiaren som er utarbeidd av departementet. I denne har ekspertutvalet for kommunereform sett opp ti kriteria for kommunane, som alle kommunar må vurdera:

1. Tilstrekkelig kapasitet
2. Relevant kompetanse
3. Tilstrekkeleg distanse
4. Effektiv tenesteproduksjon
5. Økonomisk soliditet
6. Valfridom
7. Funksjonelle samfunnsutviklingsområde
8. Høg politisk deltaking
9. Lokal politisk styring
10. Lokal identitet

I tillegg ønskjer prosjektgruppa å få ein oversikt over kva IKS kommunane er med i.

Prosjektleiar vil senda ut skjema til kommunane der frist for tilbakemelding vil vera **10. desember 2014.**

### **Framdriftsplan**

Prosjektleiar vil utarbeida framdriftsplan til neste møte.

### **Neste møte**

Neste møte i prosjektgruppa vert 7. november kl. 09.30 på Samarbeidsrådet sitt møterom. Til dette møte er det til no sett opp tre saker:

- **Prosessane i kommunane – metode for arbeidet i kommunane**
- **Mediestrategi**
- **Framdriftsplan**

Det vert sendt ut innkalling ei veke før møte.

Sunnhordland, 15. oktober 2014

Odd Henry Dahle (s)  
prosjektleiar